

Jon köp agñiṇa kai kitiṇa

God Mönö Kömö aku

¹ Mögörib maduar ör ri nigölön wop aku, Mönö Kömö aku mĩdöṇa. Ji nuṇ keir mai wop ki ör hön mönö yadmĩn, an audiöx nugwön, nugwo keir māmāga nugwön, imaga pi nugumĩṇa. Ni Mönö Kömö aku nagö yadĩba ri mĩdla.

² Nuṇ öim öim kömö mĩd Nöbö aku nöbial mixiñ nigön wöxnö höṇ aku, māmāg ana nugumĩṇa. Kömö öim mĩdĩb Nöbö aku, Acö piṣaṇ mĩdön mögörib il ki hön wöxnö nigmin, māmāg ana keir nugwo nugwön, mönö ma aku ñigö yadmĩdöla.

³ Ap agap apĩm māmāga nugwöl aku, mönö kai kai audiöx nugwöl aku, ñiṇ aipam yadmĩdöla. An Acö God Ha nuṇwa Jisas Krais nuarö hogwa piṣaṇ nigio nigön mĩdöla. Makwam, ñigö mönö ki yadmön, ñiṇ nugwön nugw piṇ, an magaliḡ God nuarö hogwa piṣaṇ nigio nigön mĩjñiṇa.

⁴ Aliö almijöñ aku, an wahax pinĩṇa. Riḃ aku yöx nugwön, ñigö mönö ki kai kiti mĩdöla.

God nuṇ Mila

⁵ Jisas Krais aniṇ yadmĩn nugwöl mönö aku ñigö yadĩba ri mĩdla. God nuṇ mila; nuṇ piḃmaga aliḡ mĩdöl.

⁶ God piṣaṇ nigio nigön mĩdölĩṇö, cĩniṇ aku, ji ap kib mag gwogwo riḃ duön, cĩcĩbö yuö

yönmijnin aku, an mönō inakmönō hörön, God Mönō rig yadmīd mag akuyöbö rölöl.

⁷ Ji God mil wä öim öim mīdmīd mag akuyöbö, an mil wä nuṇ adō mījnin aku, an haul nöbö mölōu nöbö Jisas nugw pōi bla pīsaṇ nīgō nīgōn mīdin, Ha nuṇwa Jisas hañ nuṇ aku ap kib mag gwogwo rīmīdöl pīx kepkep aku magaliḡ örix abōna.

⁸ Ap kib mag gwogwo bli röininjō, cīninj aku, inakmönō hörön yajninjā; God Mönō mag ma madmag yuörīb an kwo mīdöl.

⁹ Ji an ap kib mag gwogwo rīmīdöl aku, God nugwo yad wöxnō nīgninj aku, nuṇ öim öim rig yadmīd mag akwör rön, öim öim mag ödöriō akwör rīmīd mag akwör rön, ap kib mag gwogwo rīmīdöl piaku nugwōn rōböxōn, pīx kepkep an aku magaliḡ örix ab pōcōna.

¹⁰ Ap kib mag gwogwo bli röininjō, cīninj aku, God nuṇ inakmönō hörön yadmīdō, cīninjā; God Mönō mag wä nuṇ aku madmag yuörīb an kwo mīdöl.

2

Krais an ñöx nīgōn nuṇ keir Nuō nuṇwa höjōpal ur nölōṇa

¹ Halōu ha nī bla. Ñin ap kib mag gwogwo rīmījeñinjō, rön, ñīgō mönō kī kai kītmīdla. Ji ap kib mag gwogwo rīmījōñ aku, Jisas Krais öim öim mag ödöriō akwör rīmīd Nöbö aku, nuṇ anin rī nölōn Nuō nugwo yadōn, ap kib mag gwogwo rīmīdōi aku nugwōn rōböxanō, rīmīda.

² God nuŋ ap kib mag gwogwo rɪmɪdöl bla nugwön, anɪŋ pad hör piaku aböxa. Jɪ Jisas Kraiŋ nuŋ keir ap kib mag gwogwo rɪmɪdöl piaku bɪ katlō watlō um sō mɪxɪñ nuŋwa keir pön wöröxön, ap kib mag gwogwo rɪmɪdöl pɪx kepkap aku magalɪg örɪx aböŋa. Jɪ ap kib mag gwogwo an akwör wöhö; nöbö mö mögörɪb adadö piaku piaku magalɪg ap kib mag gwogwo rɪmɪdöi pɪx kepkap aku örɪx aböŋa.

³ God Mönö rɪg yadmɪd mag akuyöbö rɪmɪjnɪŋ aku mɪ, an nugunɪŋa, an mɪ God nugwo nugwöla.

⁴ Nöbö i, God nugwo nugulö, cön aku jɪ God rɪg yadmɪd mag akuyöbö ren aku, nuŋ inakmönö hörön yajöŋa; mönö mag mɪ aku madmag yuörɪb nuŋ kwo mɪdöl.

⁵⁻⁶ Jɪ nöbö mö God Mönö rɪg yadmɪd mag akuyöbö rɪmɪdöi piaku, ñɪŋ God nugwo mɪ madmag nɪgmɪdöia. God pɪsaŋ nɪgiö nɪgön mɪdölɪŋö, rɪmɪdöi, nöbö mö bla, Jisas rɪg rɪmɪd mag akwör cöña. Nuŋ rɪg rɪmɪd mag akwör cɪnɪŋ aku mɪ, an nugunɪŋa, God yuö kwo mɪdöla.

Nuö nuö madmag nɪgöña

⁷ Nöbö mö madmag yöbö nɪ bla. Mönö kai kɪtmɪdɪl kɪ, mönö yonjyöbö yöi; mönö maduar ör yadmɪ mɪdmɪd mönö aku mödö nugwöia; mönö hödyöbö akwör nɪ wopik ñɪgö yadmɪdla.

⁸ Jɪ mönö ñɪgö kai kɪtmɪdɪl kɪ mönö yonjyöbö mɪda. Jisas Kraiŋ rɪmɪdön aku nugwön, mönö yonjyöbö aku mönö mɪ, me rɪmɪdöia. Ñɪŋ nöbö

mö bla rɪmɪdöi aku aipam nugwön, ñɪŋ kwo algör ör, mönö yonjyöbö aku mönö mɪ, me rɪmɪdöia. Pɪxmag aku wopik mödö hölögɪpɪba rɪmɪda; mil mag mɪ aku mödö mila abmɪda.

⁹ Nöbö mö, mila mɪdölɪŋö, rön, haul nöbö mölöu nöbö ñɪŋ bli mɪ rɪb gwogwo yöxmɪdöi bla, ñɪŋ pɪxmag yuö mɪdöia.

¹⁰ Jɪ haul nöbö mölöu nöbö ñɪŋ bla madmag nɪgöi bla, mila mɪdöia. Mil akuyöbö yönön, hö pɪn paleñ.

¹¹ Nöbö mö haul nöbö mölöu nöbö ñɪŋ bli mɪ rɪb gwogwo yöxmɪdöi bla, ñɪŋ pɪxmag yuö mɪdöia. Ñɪŋ pɪxmag yuö mɪdɪm, mämäg ñɪŋa mödö we wöla nugwön pɪxmag yuö yönön, pikai dumɪdöi aku nugwölöi.

¹² Jisas Krais nuŋ wöröxöŋ aku mɪ,
God ap kib mag gwogwo rɪmɪdöi aku nugwön röböxa.

Aku, nɪ ñɪgö halöu ha madmag yöbö nɪ bla mönö kɪ kai kɪtmɪdla.

¹³ Ñɪŋ nöbö dib bla,
Jisas Krais maduar ör mɪdön wopik mɪd aku, nugwo mödö nugwöi aku mɪ,
nɪ ñɪgö nöbö dib mönö kɪ kai kɪtmɪdla.

Ñɪŋ ha nöbö bla,
Nöbö Gwogwo aku nugwo yödpɪlö ñɪŋa moa mödö nɪgöi aku mɪ,
nɪ ñɪgö ha nöbö mönö kɪ kai kɪtmɪdla.

Ñɪŋ halöu ha madmag yöbö nɪ bla
Acö nugwo mödö nugwöi aku mɪ,
nɪ ñɪgö halöu ha madmag yöbö nɪ bla

mönö kɪ kai kɪtmɪdla.

¹⁴ Ñɪŋ nōbö dib bla,

Jisas Krais maduar ör mɪdön wopik mɪd aku,
nugwo mödö nugwöi aku mɪ,
nɪ ñɪgö nōbö dib mönö kɪ kai kɪtmɪdla.

Ñɪŋ ha nōbö bla,

God Mönö kōmö aku
madmag yuö ñɪŋ kwo kōmö mɪdan, ñɪŋ ususör
rön,

Nöbö Gwogwo aku nugwo
yödpɪlö ñɪŋa moa mödö nɪgöi aku mɪ,
nɪ ñɪgö ha nōbö mönö kɪ kai kɪtmɪdla.

Ap mögörɪb il kɪ madmag nɪgmɪjeñ

¹⁵ Krais nōbö mö nuŋwa mɪdölöi piaku rɪmɪdöi
mag aku cɪnɪŋö, rön, rɪb aku yöx nugumɪjeñ. Rɪb
ñɪŋa ap mögörɪb il kɪyöbö duön wob nɪgmɪn, ap
piaku madmag nɪgöñ aku, ñɪŋ Acö nugwo rɪbyöx
nugub ada uplōbön, nugwo madmag nɪgeñ.

¹⁶ Nöbö mö ap mögörɪb il kɪ rɪbyöx nugumɪdöi
bla, mɪxɪñ ana ap kib mag gwogwo rɪbyöx
mag akwör cɪnɪŋö, rön, ap agap apɪm māmāga
nugwōñ bla, kib pɪnɪŋö rön, ap mɪga akwör
pön, ib diba pɪnɪŋö, rön, rɪbyöx nugumɪdöi mag
akuyöbö rɪm dumɪda. Acö ñɪgö rɪba nölmin
alölöi; mögörɪb il kɪ ap bla rɪbyöx nugwön alöia.

¹⁷ Mögörɪb il kɪ aipam, ap agap apɪm mögörɪb il
kɪ rɪba pɪxɪp du piaku aipam, yöm rɪba rɪmɪda; jɪ
nōbö mö God rɪg yadmɪd mag akwör rɪmɪdöi bla
öim öim mɪjöña.

Krais nugwo mɪ rɪb gwogwo yōx nugumɪdōi nōbō bla

¹⁸ Halōu ha madmag yōbō nɪ bla. Wop maiyōbō aku womiōx mɪda. Krais Nugwo Höxmɪd Nōbō aku hōnɪŋō, rɪmā, aku nugwōia. Weik Krais nugwo höxmɪdōi nōbō mō bla mɪga mɪdōi aku mɪ, an nugwōla wop maiyōbō aku womiōx mɪda.

¹⁹ Nōbō mō Krais nugwo ōlɪsō wōlɪm nugumɪdōi piaku, an pɪsaŋ mögum rōn, mai rōbōxōn rɪŋadō dumä; an pɪsaŋ mögum rɪmā, jɪ an pɪsaŋ nɪgiō nɪgōn mɪdōlim. An pɪsaŋ nɪgiō nɪgōn mɪdōyɪx aku, anɪŋ rōbōxōn rɪŋadō duölōyɪx. God nuŋ keir rɪmɪn, ñɪŋ rɪŋadō dumä. Aku agapɪm: God aliō alōŋ aku mɪ, an nugwōla nōbō mō rɪŋadō dumä nōbō mō piaku an pɪsaŋ nɪgiō nɪgōn mɪdōlim.

²⁰ Jɪ Krais nuŋ Inōm Leia yad abmɪn hōn nɪgō pɪsaŋ mɪd aku, ñɪŋ magalɪg God Mōnō ma aku nugwōia.

²¹ Ñɪŋ Jisas Krais mōnō ma aku nugwōlōiŋō, rōn, ñɪgō mōnō kɪ kai kɪtmɪdōi; ñɪŋ mōdō nugwōia. Jisas Krais mōnō ma aku, mōnō in-akmōnō i mɪdōl.

²² “Jisas nuŋ Mesaia yōi,” cōn nōbō akwōr nuŋ nōbō mōnō inakmōnō hōrɪb nōbō. Aliō alōn aku, nuŋ Acō aipam, Ha aipam wōhō cōna. Nōbō maku nuŋ Krais Nugwo Höxmɪd Nōbō aku.

²³ Nōbō mō Jisas nuŋ God Ha yōi, me rɪmɪdōi bla, ñɪŋ Nuō nuŋwa nugwōlōi. Nōbō mō Jisas nuŋ

God Ha nuṇwa mɪdö, rön, yad wöxnö nɪgmɪdöi bla, ñiṇ Nuö nuṇwa aipam nugwöia.

Inöm Leia nuṇ Krais mönö ma aku ñigö yad nöiöna

²⁴ Höd nugwim mönö aku madmag yuörɪb ñiṇ kwo pɪ ri ab gɪr mɪjöña. Höd nugwim mönö aku madmag yuörɪb ñiṇ kwo pɪ ri ab gɪr mɪjöñ aku, God Ha pɪsaṇ nɪgiö nɪgön mɪdön, Nuö pɪsaṇ nɪgiö nɪgön mɪdön mɪjöña.

²⁵ Anɪṇ mönö ma yad nɪgön yadöṇa, “Ñiṇ öim öim kömö mɪjöñiṇö,” röṇa.

²⁶ Mönö wopik yadmɪdɪl kɪ, nöbö mö inakmönö hörön yadön rɪb ñigö pɪxɪp duba rɪmɪdöi bla rɪbyöx nugwön yadmɪdla.

²⁷ Nöbö mö akuyöbö ñigö yad nölöliṇ. Krais nuṇ Inöm Leia yad abmɪn hön ñigö pɪsaṇ mɪd aku, nuṇ keir ñigö yad nölmɪda; jɪ nuṇ inakmönö hörɪb inöm yöi wöhö. Nuṇ mönö ma akwör magalɪg ñigö yad nölmɪda. Makwam, God Inöma nuṇ ñigö rɪbyöx nölmɪd aku nugwön Krais nugwo cɪrɪp gɪ mɪjöña.

²⁸ Halöu ha madmag yöbö nɪ bla. Krais nugwo cɪrɪp gɪ mɪdɪṇ mɪ, nuṇ höuöil hön wop aku, an nugwo nugwɪṇ möigw hen; yau ab gɪb akwör mɪjnɪṇa.

²⁹ Krais nuṇ mag wä paxdöriö adakwör rɪ ri abmɪda nugwöi aku, ñiṇ kwo algör ör nugwöia, nöbö mö mag wä paxdöriö adakwör rɪmɪdöi piaku, ñiṇ God halöu ha nuṇwa mɪdön mɪ, aliö alöia.

3

God halöu ha nuŋwa mɨdöl aku nugwön, mɨd ri ab gɨ mɨjnɨŋa

¹ Acö God anɨŋ mɨ ödöriö madmag nɨgön, anɨŋ halöu ha na keir, me rɨ aku, nɨ nugwön aiö waiö rɨmɨdla. An God halöu ha nuŋ akwör mɨdöla. Nöbö mö mögöriɨ il kɨ ör rɨbyöx nugumɨdöi bla anɨŋ nugwölöi. Acö nugwo nugwölöi aku mɨ, anɨŋ kwo algör ör nugwölöi.

² Nöbö mö nugub wä nɨ bla. Weik an God halöu ha nuŋwa mɨdöla, jɨ mai nöbö mö pödiöm mɨjnɨŋ aku nugwölöl. Jɨ an nugwöla, Jisas Krai nuŋ wöxnö nɨgön wop aku, nuŋ keir rɨg mɨd aku mämäga nugwön, nuŋ rɨg mɨd mag akuyöbö aliar mɨjnɨŋa.

³ God nuŋ anɨŋ Krai röxg nɨgönɨŋö, rön, rɨbyöx nugwön nöbö mö bla, Krai lei gudogudö mɨd mag akuyöbö, an kwo algör ör lei gudogudö mɨjnɨŋö, rön, rɨb aku yöx nugwöña.

⁴ Nöbö mö ap kib mag gwogwo cöñ bla, ñɨŋ magalɨg God lo mönö röd aböña. Ap kib mag gwogwo rön mɨ, God lo mönö röd aböña.

⁵ Ñɨŋ nugwöia, Jisas Krai nuŋ höŋ aku, an nöbö mö mögöriɨ il kɨ ap kib mag gwogwo rɨmɨdöl pɨx kepkep aku örɨx abɨba höŋa. Nuŋ keir ap kib mag gwogwo i röi.

⁶ Nöbö mö Jisas Krai pɨsaŋ nɨgiö nɨgön mɨdöi bla, ap kib mag gwogwo rɨmɨdölöi. Nöbö mö ap kib mag gwogwo rɨmɨdöi bla, Jisas Krai nugwo nugwölöi; nuŋ nöbö pödiöm mɨd aku nugwölöi.

⁷ Halöu ha madmag yöbö wä nɪ bla. Nugw ri aböña! Nöbö mö bli ñigö inakmönö hörön rɪb ñigö pön pɪxɪp duba rɪmɪdöi bla, inakmönö hörmɪjõñ akuyöbö nugw pɪmɪjeñ. Nöbö mö rɪ ri abmɪdöi bla akwör ñɪŋ nöbö mö kömö wä; Krais nuŋ keir kömö wä mɪd mag akuyöbö, ñɪŋ kwo algör ör nöbö mö kömö wä mɪdöia.

⁸ Nöbö mö ap kib mag gwogwo rɪmɪdöi bla, kɪjaki halöu ha nuŋwa mɪdöia; kɪjaki maduar ör ila ñigön, rɪp duön, ap kib mag gwogwo rɪmɪd mag akuyöbö rɪmɪdöia. God Ha nuŋwa mögöriɪb il kɪ höŋ aku, kɪjaki mag gwogwo rɪmɪd mag aku römaxdör abɪba höŋa.

⁹ Nöbö mö God halöu ha nuŋwa mɪdöi bla, God ap iñ nuŋwa ñigö yuöriɪb kwo ñigmɪn mɪd aku mɪ, ap kib mag gwogwo reñɪm. God Nuö ñɪŋa mɪda, ñɪŋ God halöu ha nuŋwa mɪdöia nugwön ñɪŋ ap kib mag gwogwo rɪb maga mɪdöl.

¹⁰ Makwam, an nugwöla, nöbö mö bɪl kai ñɪŋ God halöu ha nuŋwa mɪdöi, nöbö mö bɪl kai ñɪŋ kɪjaki halöu ha nuŋwa mɪdöi. Nöbö mö mag wä rɪmɪdölöi bla ñɪŋ God halöu ha nuŋwa mɪdölöi; nöbö mö ñɪŋ haul nöbö mölöu nöbö bla ñigö madmag ñigmɪdölöi bla ñɪŋ kwo algör ör God halöu ha nuŋwa mɪdölöi.

God halöu ha nuŋ bla nuö nuö madmag ñigöña

¹¹ An nuö nuö madmag ñignɪm. Mönö kɪ maduar ör yadɪm nugumä.

¹² Adam ha nuŋwa Ken röŋ mag akuyöbö rɪmɪjeñ. Nuŋ Nöbö Gwogwo ha nuŋwa mɪdön,

pignin nuṇwa pɪl pal nɪgöŋa. Nuṇ pignin nuṇwa pɪl pal nɪgöŋ aku, agö magim rɪmɪn pɪl pal nɪgöŋ? Nuṇ keir rɪ gwogwam rɪmɪdöŋa, jɪ pignin Ebol nuṇ mag wä rɪmɪdöŋ aku nugwön nugwo pɪl pal nɪgöŋa.

¹³ Makwam, haul nöbö mölöu nöbö nɪ bla. Nöbö mö mögöriɪb ɪl kɪ ñigö mɪ höxmɪjõñ aku nugwön aiö rɪmɪjeñ.

¹⁴ An Krais adö mɪdöi haul nöbö mölöu nöbö bla ñigö madmag nɪgmɪdöl aku mɪ, an nugwöla, an nöbö mö mödö wöröxöia röxg mɪdmɪŋ adaku röböxön, kömö yonyöbö aku mödö pöla. Nöbö mö madmag nɪgölöi bla, ñin nöbö mö mödö wöröxöi akuyöbö röxg mɪdöia.

¹⁵ Nöbö mö bɪl kai nöbö mö bli mɪ höxmɪdöi bla, ñin ñigö nöbäpö pɪl pal nɪgöi mag akuyöbö ra. Ñin nugwöia, nöbö mö nöbäpö pɪl pal nɪgmɪdöi bla, ñin kömö öim mɪdɪb mag aku pölöi.

¹⁶ Krais anin uliöxön ñöx nɪgön wöröxön aku nugwön nugwöla an pödpöd rön haul nöbö mölöu nöbö an bla madmag nɪgnin. An kwo algör ör, haul nöbö mölöu nöbö an bla ñigö mɪ ödöriö madmag nɪgön, ususör rön, ñigö pɪ ösös rɪ ri abnin; aliö alön wöröxnin aku, mönö mɪdöl.

¹⁷ Nöbö mö ap mɪga mɪjõna, jɪ haul nöbö mölöu nöbö ap mɪdöl bla ñigö nugwön ögwö yöxeñ aku, ñin God nugwo madmag nɪgmɪdölöi.

¹⁸ Halöu ha madmag yöbö nɪ bla. Haul nöbö mölöu nöbö bla madmag nɪgmɪdölɪŋö, cɪnɪŋ aku, hör mönö akwör yadöin; ñigö mɪ madmag

nigön, ususör rön, pî ösös rî ri abnîŋa. Aliö ainîŋ aku, an nugwöla an haul nöbö mölöu nöbö bla madmag nigmidöla.

Nöbö mö God nugwo cîrîp gî midöi bla rîbyöx gîba alig midöia

¹⁹⁻²⁰ An haul nöbö mölöu nöbö ñigö mî madmag nigön, ususör rön, pî ösös rî ri abnîŋ aku, an nugunîŋa, Krais mönö mag ma aku nugw pöla. Rîb mag ana keir yuö an kwo mönö diba yajöna, jî God mämäg il rol nuŋwa an wahax pî gîrön tar mijnîŋa. Rîb mag ana ölisö midöl; God nuŋ ölisö mîda. Nuŋ rîb mag ana magalig nugw ri abmîda.

²¹ Makwam, nöbö mö nugub wä nî bla. Rîb mag ana keir yuö an kwo mönö diba yaden aku, an rîbyöx gîba alig midön, God mid il yöra duön, mämäg il rol nuŋwa anau pöinîŋ.

²² An God mönö ölisö rîg yadmîd mag akwör rön, ap agap apîm nugwo wä cön aku rî gîrön rîp duön, nugwo yad nugumîjîŋîŋ aku, rîg yajîŋîŋ mag akuyöbö akwör cöna.

²³ God mönö ölisö yadön yadmîda: an Ha nuŋwa Jisas Krais nugw pön, haul nöbö mölöu nöbö bla nuö nuö madmag nigîŋa. God anîŋ mönö ölisö yadön, aliö aine, röŋa.

²⁴ Nöbö mö God mönö ölisö yadön yadön mag akwör rîmidöi bla, ñîŋ God yuö kwo midöia; nuŋ yuö ñîŋ kwo mîda. God nuŋ Inöma anîŋ nöl aku mî, an nugwöla, God nuŋ yuö an kwo mîda.

4

God Inöma aimönö ap hör i ñigö ríba nölmid?

¹ Haul nöbö mölöu nöbö nɪ wä bla. Nöbö mö God Mönö yad nölmidölɪŋö, rɪmidöia, jɪ inakmönö hörön yad nöl yönmidöi nöbö mö bla mɪga midöi aku mɪ, nöbö mö bli God Inöma pɪsaŋ ñigiö ñigön midölɪŋö, rɪmɪjõñ aku, ñɪŋ nugw ri abön, mönö ñɪŋ aku põña. God Inöma aimönö ap hör i ñigö ríba nölmin yadmıdöiŋö, rön, nugwõña.

² God Inöma inöm ñɪŋa pɪsaŋ ñigiö ñigön midönö midöl aku, ñɪŋ pödpödiö nugwön nugumabõñ? Jisas Krais nuŋ nöbial mɪxɪña ñigön, mögöriɓ il kɪ hö, cõñ aku, God Inöma ñɪŋ pɪsaŋ ñigiö ñigön mid aku, me rön, nugwõña.

³ Jɪ Jisas Krais nuŋ nöbial mɪxɪña ñigön, mögöriɓ il kɪ hölön, me cõñ aku, God Inöma ñɪŋ pɪsaŋ ñigiö ñigön midölö, rön, nugwõña. Krais Nugwo Höxmıd Nöbö aku inöm nuŋwa yuö ñɪŋ kwo midan nugwön mönö aliö akuyöbö yajõña. Inöma Gwogwo aku höniŋö, rɪmɪn, nugwöia. Jɪ weik wop midö kɪ mögöriɓ il kɪ mödö ha.

⁴ Halöu ha madmag yöbö nɪ bla. God nuŋ yuö ñɪŋ kwo mɪda; nuŋ Nöbö ölsö ödöriö. Kɪjaki nuŋ nöbö mö mögöriɓ il kɪ midöi piaku yuö ñigö kwo mɪda; nuŋ nöbö ölsö yöi. God Nöbö ölsö ödöriö aku, nuŋ yuö ñigö kwo mid makwam, nöbö mö inakmönö hörön yadmıdöi piaku rɪb ñigö pɪxɪp dub maga ñigöl.

⁵ Nöbö mö inakmönö hörön yadmıdöi bla, ñɪŋ

mögörɪb il kɪyöbö aku mɪ, mönö yadmɪdöi aku algör ör mögörɪb il kɪyöbö. Mönö yadmɪdöi aku mögörɪb il kɪyöbö makwam, nöbö mö mögörɪb il kɪyöbö piaku inakmönö ñɪŋa nugw pɪmɪdöia.

⁶ Jɪ an God halöu ha nuŋwa mɪdöla. Nöbö mö God nugw pöi bla, mönö ana nugw pɪmɪdöia. Jɪ nöbö mö God nugw pölöi bla, mönö ana nugw pölöi. Aku nugwön nugwöla, Inöm ma akwör ñɪgö rɪbyöx nölmɪn yadmɪdöiŋönö inakmönö inöm i rɪba nölmɪn yadmɪdöia.

God anɪŋ madmag ödöriö nɪgmɪda

⁷ Nöbö mö madmag yöbö nɪ bla. Haul nöbö mölöu nöbö piaku nuö nuö madmag nɪgnɪm. God nuŋ rɪmɪn mɪ, nöbö mö madmag nɪgmɪdöia. Nöbö mö kai, nöbö mö piaku ñɪgö madmag nɪgmɪdöi bla, ñɪŋ God halöu ha nuŋwa mɪdön nugwo nugumɪdöi aku mɪ, nöbö mö bla madmag nɪgmɪdöia.

⁸ God nuŋ nöbö mö ñɪgö madmag nɪgmɪd aku mɪ, nöbö mö kai, nöbö mö akuyöbö ñɪgö madmag nɪgmɪdölöi bla, ñɪŋ God nugwo nugumɪdölöi.

⁹ God Ha mɪ paŋyöbö nuŋ aku yad abmɪn hön wöröxmɪn, an nöbö mö mögörɪb il kɪ mɪdöl bla kömö öim mɪdɪb maga ra. Aku nugwön an wöxnö nugwöla, God anɪŋ mɪ ödöriö madmag nɪgmɪda.

¹⁰ An God nugwo höd madmag nɪgölmɪŋ; God nuŋ höd anɪŋ madmag nɪgöŋa. God nuŋ ap kib mag gwogwo rɪmɪdöl bla nugwön, anɪŋ pad hör piaku aböxa. Jɪ nuŋ anɪŋ madmag nɪgön, Ha mɪ paŋyöbö nuŋwa Jisas Krais yad abmɪn hön, ap

kib mag gwogwo rɪmɪdöl bla, bi katlö watlö um sö mɪxɪñ nuɲwa keir pön wöröxön, ap kib mag gwogwo rɪmɪdöl pɪx kepkep aku magalig örɪx aböŋa.

¹¹ Haul hödpɪg nöbö nɪ wä bla. God nuɲ alön, anɪɲ madmag nɪgmɪd aku nugwön, an kwo algör ör haul nöbö mölöu nöbö bla nuö nuö madmag nɪgnɪɲa.

¹² Nöbö mö panyöbö i God mämäga nugwöl; ji an haul nöbö mölöu nöbö bla nuö nuö madmag nɪgmɪjɪnɪɲ aku, God nuɲ yuö an kwo mɪjöna. Nuɲ yuö an kwo mɪjön aku mɪ, nuɲ nöbö mö bla madmag nɪgmɪd aku, an kwo algör ör nöbö mö bla madmag nɪgnɪɲa.

¹³ God nuɲ Inöm nuɲwa keir yad abmɪn hön yuö an kwo mɪd aku mɪ, an God yuö kwo mɪdöla, nuɲ yuö an kwo mɪd aku, nugw ri aböla.

¹⁴ Acö God nuɲ Ha nuɲwa ñɪgö nöbö mö kömö pönɪɲö, rön, aböŋ aku, an mämäg ana keir nugwön, nöbö mö piaku yad nölmɪdöla.

¹⁵ Nöbö mö, Jisas nuɲ God Ha nuɲwa ödöriö mɪdö, rön, wöxnö yadmɪdöi bla, God yuö ñɪɲ kwo mɪda; ñɪɲ God yuö kwo mɪdöia.

¹⁶ Makwam, God nuɲ anɪɲ madmag nɪgmɪd aku nugw pön, rɪb aku yöx nugu gör mɪdöla.

God nuɲ nöbö mö madmag nɪgɪb Nöbö. Nöbö mö madmag nɪgmɪdöi bla, God yuö kwo mɪdöia; God yuö ñɪɲ kwo mɪda.

¹⁷ An God pɪsaɲ nɪgiö nɪgön mɪjɪnɪɲ aku, nuɲ nöbö mö madmag nɪgmɪd mag akuyöbö, an

kwo algör ör nöbö mö madmag nignina. Makwam, God mönö diba yajön wop aku, ölölo ran ipöxinin; rıbyöx gıba alig mijinina.

¹⁸ God anin madmag nigmid aku mi, an ipöxib maga nigöl. Anin ölin höb pi nöiöñinö, cinin aku mi, ölölo ran ipöxinina. Makwam, nöbö mö ipöxmıdöi piaku, God anin madmag nigö, rön, nugwölöi.

¹⁹ God nun keir höd anin madmag nigön aku mi, mai an nugwo madmag nigöla.

²⁰ Nöbö mö God madmag nigölinö, rimıdöi aku, ji haul nöbö mölöu nöbö bla höx midöi aku, inakmönö hörön yadmıdöia. Nöbö mö wöxnö nugumıdöi piaku madmag nigeñ aku, ñin pödpödiö, God wöxnö nugwölöi Nöbö aku nugwo madmag nigöñ?

²¹ God mönö ölisö yadön yadöna, “Nöbö mö ni madmag nigmıdöi akuyöbö, haul nöbö mölöu nöbö akuyöbö ñigö kwo algör madmag nigin,” me röna.

5

God Ha nugw pıb mag aku

¹ Nöbö mö, Jisas nun Krais, me rön, nugw pön midöi bla, ñin magalig God halöu ha nunwa midöia. Nöbö mö nuö madmag nigmıdöi bla, ha nunwa algör ör madmag nigmıdöia.

² An God nugwo madmag nigön, nun mönö ölisö yadön, aliö cine, rimıd mag akuyöbö akwör cinin aku, an nugunina, God halöu ha nun bla ñigö madmag nigmıdöla.

³ God mönö ölsö yadön, aliö cine, rimid mag akuyöbö akwör rimijnin aku mi, an God nugwo madmag nignina. God mönö ölsö yadmid piaku ömörö röi.

⁴ Aku agapim: God anin kömö pimn, halöu ha nuŋwa midöl aku mi, nöbö mö hör bla mag rimidöi adaku rib anina pixip dub maga midöl. Jisas nuŋ Krai, me rön, nugw pön midöl aku mi, nöbö mö hör bla mag rimidöi adaku rib anina pixip dub maga midöl.

⁵ Nöbö mö, Jisas nuŋ God Ha nuŋwa ödöriö midö, rön, nugw pön midöi piakwör, nöbö mö hör bla mag rimidöi adaku rib nina pixip dub maga midöl.

Jisas God Ha nuŋwa ödöriö

⁶ Jisas Krai höŋ aku, nuŋ nöbö hör i hölön. Nuŋ röbö palöŋa; mai hañ nuŋwa pinmn wöröxöŋa. Röbö akwör palmn, God Ha nuŋ aku, me rön, yadölöl; röbö palön mai hañ nuŋwa pinmn wöröxön aku mi, God Ha nuŋwa mid aku nugwöla. God Inöma nuŋ anin riba nölmn nugwöla, mi Jisas nuŋ God Ha nuŋwa mida. Aku agapim: God Inöma öim öim mönö mi akwör yadmid.

⁷ Makwam, mönö adö mös paŋ mida:

⁸ Inöma aku; röbö aku; haña aku. Mönö mös paŋ nigio nigön ila paŋyöbö i yadmid aku nugwön, Jisas nuŋ God Ha nuŋwa mid aku, nugw ri aböla.

⁹ Nöbö mö piaku mönō yajōñ aku, mönō ñiŋa nugw piniŋa; ji God mönō yadmīd aku, mönō aku mönō mī ödōriō, me rōn, rīmgör ör nugw piniŋm. Aku agapim: God nuŋ keir Ha nuŋ aku mönō wōxnō yada.

¹⁰ Nöbö mö Jisas nuŋ God Ha nuŋwa ödōriō mīdō, rōn, nugw pōi bla, God mönō mī nuŋ aku yuō ñiŋ kwo mīdmīn, ñiŋ God Ha nuŋwa nugw pōia. Ji nöbö mö Jisas nuŋ God Ha nuŋ yōi, me rōi bla, God nuŋ nöbö inakmōnō hörīb nöbö, me rōia. Aku agapim: God nuŋ keir Ha nuŋwa mönō mi yad aku nugw pōlōi.

¹¹ Mönō ma aku aliō mīda: God nuŋ kōmō öim mīdīb mag aku anīŋ nōla; kōmō öim mīdīb mag aku Ha nuŋwa pīsaŋ mīda.

¹² God Ha ñiŋ pīsaŋ mīd nöbö mö piaku, öim kōmō mīdīb mag aku mödō pōia; ji God Ha ñiŋ pīsaŋ mīdöl nöbö mö piaku, öim kōmō mīdīb maga aku pōlōi.

Jisas Kraiŋ nugw pōn mīdōi akuyōbö God halōu ha nuŋwa mīdōia

¹³ Ñiŋ Jisas nuŋ God Ha nuŋ, me rōn, rībyōx nugumīdōi nöbö mö piaku öim öim mījōñ aku nugw ri abōñiŋō, rōn, mönō kī ñigō kai kītmīdla.

¹⁴ An nugwōla, an God mīd il yōra duōn, nugwo wā cōn adakwör yad nugumījinīŋ aku, nuŋ nugwōna.

¹⁵ Makwam an nugwōla, an ap agap apim yad nugumījinīŋ aku, rīg yad nugunīŋ mag akuyōbö akwör cōna.

¹⁶ Haul nöbö mölöu nöbö ñiŋ i, riŋ yuö hör yönmid möl bö duölɪb mag gwogwo i riŋiŋon aku, ñiŋ nugwön God höjöpälön haul aku mönö mölöu aku ri nölaŋ kömö miŋöna. Riŋ yuö hör yönmid möl bö duba ap kib mag gwogwo i riŋiŋon aku, ñiŋ nugwön God höjöpaine, rön, yadöin.

¹⁷ God ap agap apim wöhö rimid piaku rön ap kib mag gwogwo cöña. Ji ap kib mag gwogwo adö bli riŋ, God nugwön röböxöna.

¹⁸ An nugwöla, nöbö mö God halöu ha nuŋwa midöi piaku, ap kib mag gwogwo rimidölöi. God Ha nuŋwa ñigö nugwidix midmin, Nöbö Gwogwo nuŋ ñigö ri gwogwam rib maga nigöl.

¹⁹ An nugwöla, an God halöu ha nuŋwa midöla; ji nöbö mö mögörib il ki ribyöx nugumidöi piaku magaliŋ Nöbö Gwogwo imag rol nuŋwa midöia.

²⁰ An nugwöla, God Ha nuŋwa hön rib wä aniŋ nölmín, God öim mi ödöriö yadmíd Nöbö aku nugub maga ra. Ha nuŋwa Jisas Krais piŋaŋ nigio nigön midöl aku mi, Nuö God Nöbö mi ödöriö yadmíd aku piŋaŋ nigio nigön midöla. Jisas Krais nuŋ mi ödöriö God. Jisas Krais nuŋ kömö öim midib maga nölib Nöbö maku.

²¹ Halöu ha madmag yöbö ni bla. God an, me rön, ap inakmönö höjöpalmidöi bla, ñiŋ aŋadö hölul cöña.

MÖNÖ KÖMÖ
The New Testament in the Haruai language of Papua
New Guinea
Nupela Testamen long tokples Haruai long Niugini

copyright © 2010 Wycliffe Bible Translators, Inc.

Language: Haruai

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-05-07

PDF generated using Haiola and XeLaTeX on 18 Apr 2025 from source files dated 31 Aug 2023

9e954707-a711-5aaf-8460-3e8220e0e211